



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Cardinales Ordinis Cistertiensis. cap. XLIIII.

urn:nbn:de:hbz:466:1-38372

Quantus fuerit hic Pontifex, quam Sanctus, quo genere, quibus moribus ornatus, unico Petri Boerij encomio aperitur, qui in principio Commentariorum suorum in *Benedictinam*, his eum laudibus adornat.

Benedictus. Huic namque, & Bonifacij, & Benedicti nomina congruunt, qui in ipso uim quam gerunt profecto sortita sunt. Benedictus igitur hic nomine, uim Bonifacij uocabuli semper studuit opere exercere. Fuit enim uita castus, boatu humilis, scientia plenus, moribus non genere nobilis, uoce & aspectu terribilis, facie rubicundus, Albo Ordine Monachus, Magnates non uerens, pauperes refouens, corrupta depellens, ac stuprum præcauens. Iste quidem ad ecclesiasticos gradus uiros idoneos sublimans, indignos noluit promouere. In iudicijs insuper, factisque suis, admodum mirabilis extitit, quoniam non secundum carnem, & sanguinem, sed in æquitate, & iustitia ambulauit. Meruit itaque thronum duodecimum possidere, uerè Benedictus in terris, pariter esse conuincitur & in cælis. Nam bonis laboribus, fructus retribuitur gloriosus. *Hæc Boerius. Huius item Sanctissimi Pontificis effigiem ex uiuo expressam, & depictam, uidi Romæ in ædibus R. P. F. Alphonfi Ciacon Hispani, Ord. Prædicatorum, & Apostolicæ Sedis Penitentiarij, quæ miram pietatem, & sanctitatem præ se ferre uidentur.*

Cardinales Ordinis Cisterciensis. Cap. XLIIII.

INNOCENTIVS PAPA II.

Creatio prima anno 1120. mense Decembri in Conc. Claremontano.



RATER Balduinus, Gallus, Monachus Cisterciensis, S. R. E. Presbyter Cardinalis, Tituli Sancti post Archiepiscopus Pisanus. Obijt anno Panuinus in epitome in 4.

Creatio quinta anno 1140. Pontif. II. mense Decembri Romæ.

Frater Stephanus, Cathalaunensis, Gallus, Monachus Cisterciensis, S. R. E. Cardinalis Episcopus Prænестinus. Obijt anno Panuinus ibidem.

EVGENIVS PAPA III.

Creatio quadam facta Romæ anno 1146.

Frater Hugo, Gallus, Monachus Cisterciensis, Abbas Monasterij Sanctorum Vincentij, & Anastasij trium fontium Romæ, S. R. E. Cardinalis Episcopus Ostiensis, & Veliternus. Obijt anno Panuinus ibid.

E 2 Frater

Frater Henricus Moricotus de vico, Pisanus, Monachus Cisterciensis, S. R. E. Presbyter Card. Tituli Sanctorum Nerei, & Achillei: deinde ab Alexandro Papa III. anno 1180. Episcopus Cardinalis Albanus creatus. Obiit circa annum Domini 1189. *Panvinus in Epitome in 4. Casarius Monachus illust. miraculorum lib. 4. c. 79.*

Frater Bernardus, Pisanus, Monachus Cisterciensis, S. R. E. Diaconus Cardinalis, Tituli Sanctorum Cosmę & Damiani. Obiit anno *Panvinus in Epitome in 4.*

CLEMENS PAPA III.

Creatio tertia anno 1190. Pontif. 3. mense Septembri. Romę.

Frater Vuido, siue Guido Gallus, Monachus, & Abbas Cisterciensis S. R. E. Diaconus Cardinalis S. Marię Transiberim, deinde a Celestino Papa III. in prima creatione anno 1191. in Pentecoste Romę, ex Diacono Presbyter Cardinalis Tit. Calisti; postremo ab Innocentio Papa III. anno 1206. Pontificatus sui nono, ex Presbytero, Episcopus Card. Prænestinus. Obiit anno Domini 1220.

ANNOTATIO.

Panvinus quidem in Epitome in 4. promotionis huius Guidonis meminit, sed Monachatum retinet, quem habuimus, simul cum Cardinalitia dignitate ex F. Casario Heisterbachensi, Monacho Ordinis Cisterciensis, illustrum miraculorum lib. 6. c. 2. & lib. 9. c. 51.

HONORIVS PAPA III.

Creatio secunda unius Card. anno 1219. Pontif. 3. Romę.

Nonnus Conradus, siue Cunradus, Bauarus, Henrici Nigri, siue Catuli & Vuelphonis Bauarię, & Ethrurię Ducis filius, Frater Henrici superbi, primi huius familię, Guelphorum, scilicet, Saxonię Electoris, & Ducis Bauarię, Princeps innocentia vitę, & pietate clarus, educatus ab Episcopo Constantiensi, ubi adoleuit metuens ne ipsi aliquando surrogaretur, Cœnobium Vilariense non longe a Colonia Agrippina, Ordinis Cisterciensis ingressus, & Monachus effectus, primo Prior, deinde Abbas ibidem electus; postea in Abbatem Clareuallis, postmodum promotus in Abbatem Cisterciensem, in illo gradu stare non potuit, ab Honorio enim Papa III. euocatus, & candelabro Catholicę Ecclesię impositus, ut lucis suę exēpla omnib. daret, S. R. E. Card. Episcopus Portuensis, & S. Rufinę, renunciatus est. Legatus exinde Apostolicus contra Albigenes factus, post munus sibi impositi functionem, Terram sanctam inuisit, & aliquanto tempore in quadam uasta Eremita, uni sanctissimo Eremitę adhęsit, sed cum ob naturę suę imbecillitatem, uitam illam ferre diutius non ualeret, redire ad patriam

patriam disposuit, quod cum faceret morbo correptus, in Ciuitate Barenfi obiit anno 1225. & ibidem honorificè sepultus est.

A N N O T A T I O.

Panuinus lib. 3. Rom. Principum, in Vuelphonum familia descriptione, consentit de genere huius Conradi, filium scilicet Henrici Bauariæ Ducis eum nominans, sic inquit, Chunradus Monachus Claraualensis, Henrici Ducis Bauariæ, & Vulphildis filius, post S. R. E. Card. at verò in Epitome in 4. sua sententiæ immemor, filium Eginonis de Vrach, Sutionum Dynaste scribit, quod an suo, aut certè Librariorum id vitio contigerit ignoro. Errare autem conuincitur, cum suipsius, & aliorum familie Bauariæ scriptorum testimonijs; tum etiam quod non hic, sed alter Chunradus qui vocatus est & Cuno, quiq; à Paschali Papa I I. in Cardinalium numerum relatus est, Eginonis Comitis Vracensis filius fuerit, uti diximus in annotationibus nostris ad eundem. Huius Presulis vitam, & res gestas describit Casarius Monachus illust. mirac. libr. 3. cap. 33. & lib. 5. ca. 21. Dissentit Pigna in Hist. Rauennæ, de anno mortis: refert enim obiisse anno 1226. nos scriptores familiarum Bauriæ sequimur, si quis aliter sentire voluerit non improbamus, cum res sit nullius momenti, vtrum scilicet obierit anno uno ante, uel post. Nonni prænomen apposuimus ex Casario, qui li. 3. c. 33. illust. mirac. sic eum uocat, fuitq; iuxta S. P. N. Benedicti regulam toti Ordini Cister. in Sacerdotibus maxime familiare.

GREGORIUS PAPA IX.

Creatio tertia anno 1234. Pontific. 8. mense Decembri, Romæ.

Frater Iacobus de Pecoraria, Gallus, Monachus Cisterciensis, Abbas Sanctorum Vincentij, & Anastasij ad aquas Saluias extra Urbem, S. R. E. Episcopus Cardinalis Prænestinus. Obiit anno Domini 1245. Lugduni, & ibidem sepultus est.

A N N O T A T I O.

Panuinus in Epitome in 4. & R. P. Alphonsus Ciacon de Perpet. Eccles. Pontif. MS. de huius Monachatu, & Card. agunt: Cognomen de Pecoraria ex Ciacone habuimus.

INNOCENTIUS PAPA III.

Magister Frater Ioannes de Toletto, Anglus, Monachus Ordinis Cisterciensis, S. R. E. Presbyter Cardinalis, Tituli San. Laurentii in Lucina: post ab Urbano Papa III. in prima creatione anno 1261. Pontific. 1. mense Decembri, Viterbii, ex Presbytero, Episcopus Cardinalis Portuens, & S. Rufinæ creatus. Obiit Lugduni in Concilio Generali, anno 1274. Pontificatus Gregorij Papæ XIII.

ANNOTATIO.

Huius meminit Panvinus in Epitome in 4. Patriam eius, & cognomen habuimus, ex floribus Historiarum Matthæi Vuestmonasteriensis, qui ad annum 1244. sic de eo loquitur. Anno 1244. Innocentius Papa III. creat in creatione Decem Cardin. magistrum Ioannem, cognomēto de Tolero, Cistertiensem monachum, Anglū. Hæc Matthæus. Correctione aliqua indigebunt RR. Lachinus, & Ciacon. qui putant, hunc eundem esse cum Ioanne de Abbatisuilla, qui promotus est a Gregorio Papa IX.

COELESTINVS PAPA V.

Creatio unica anno 1294. Pontific. primo, in Quatuor Temporibus Septembris, Neapoli.

Frater Simon de Belloloco, Gallus, Monachus Cistertiensis, ex Archiepiscopo Bituricensi, S. R. E. Episcopus Cardinalis Prænestinus. Obiit in legatione Gallica, anno 1297. Pontificatus Bonifacii Papæ VIII. tertio.

ANNOTATIO.

Dignitatem accepimus ex Panvino in 4. quam simul cum Monachatu confirmat Franciscus Belforestius lib. 1. sue Cosmographiæ, in catalogo Archiepiscoporum Bituricensium. Cognomentum de Belloloco mutatum sumus ex Demochare de Sacrif. Missæ, tomo 2. c. 24.

Frater Robertus, Gallus, Monachus Cistertiensis, S. R. E. Presbyter Cardinalis Sanctæ Pudentianæ, Tituli Pastoris. Obiit Parmæ, mense Augusto, anno 1305. Pontificatus Clementis Papæ V. primo: cuius cadaver in Ecclesia S. Martini, Ordinis sui extra Parmam sepultus est. Panvinus in Epitome, in quarto.

CLEMENS PAPA V.

Creatio secunda, anno 1310. Pontific. Sexto, Sabbato Quatuor Temporibus Aduentus, Auinione.

Frater Arnaldus Nouelli, Vasco, Gallus, Monachus Cistertiensis, & Abbas Fontisfrigidi, S. R. E. Vicecancellarius, Presbyter Cardinalis Tituli S. Priscæ. Obiit Auinione, anno 1314. Pontific. Clementis V. decimo. Panvinus in Epitome in quarto.

IOANNES PAPA XXII.

Creatio quarta, anno 1327. Pontific. 12. Feria 6. Quatuor Temporibus Aduentus, idest 15. calen. Ianuarij, Auinione.

Magister Frater Iacobus Fornerius Ioānis XXII. ex sorore nepos, Gallus, de Sauardino, Appamiarum Diœcesis, ex Prouincia Tholosana, Monachus Cistertiensis, Abbas Fontisfrigidi, & Sacræ Theologiae

logia Doct̄or, Ep̄iscopus Mirapicensis, & S. R. E. Presbyter Cardinalis, Tituli S. Priscæ; post Benedictus Papa X. dictus XII. *Panvinus* in *Epitome* in 4. & *alij ad Benedictum XII. citati.*

NICOLAUS V. Antipapa.

Creatio prima, anno 1327. Pontific. I. Idibus Maij, Romæ.

Frater Ioannes Vicecomes, Mediolanensis, Insuber, Monachus Cisterciensis, Abbas S. Ambrosii Mediolani, S. R. E. Presbyter Cardinalis. Obiit anno *Panvinus in Epitome* in 4. & *alij nonnulli.*

Incertæ creationis:

Frater Monachus Ordinis Cisterciensis, Tolosanus, & S. R. E. Cardinalis, qui bibliothecam Bernardinorum à Benedicto Papa XII. Parisiis ædificatam, libris exornavit, & sedecim operam Theologiæ dantes alumnos perpetuos instituit. *Gilbertus Genebrardus Chronologiæ, lib. 4. in Benedicto Papa XII.*

PIVS PAPA V.

Creatio II. anno 1568. die 24. Martij, Quatuor Temporum Quadragesimæ.

Frater Hieronymus Socher Aruernus, Monachus, & Abbas Clarenallensis, deinde Cisterciensis, & totius Ordinis Generalis, Parisiæ Theologus, ob summam eruditionem à Pio Papa V. in numerum, S. R. E. Cardinalium, ascitus anno 1568. die 24. Martij. Presbyteri Titulo S. Matthæi Apostoli in Merulana insignitus est. Obiit Romæ, anno 1571. 10. cal. Decembr. ætatis suæ 63. & in Titulo S. Crucis sepultus est cum Epitaphio sequenti.

Donno Hieronymo Socherio, Aruerno, Parisiensi Theologo præstantissimo: qui Henrico II. Francisco II. & Carolo IX. Gallorum Regibus, Carolo Cardinali Lotharingo, bonisq; omnibus eximie caro, Clarenallis Abbati, in Tridentina Synodo sententiæ doctrinæ, pietatis, ac prudentiæ plenissimas dixit. Inde Cistercij electus Abbas, ipsiusq; Ordinis Generalis, à Pio V. Pont. Max. delatam absente Cardinalatus dignitatem, vt acciperet vix adduci potuit, deinde in Urbem accitus, singulari opam atque gloria contemptu, & vitæ moderatione, omnibus admirationi fuit. Vixit ann. 63. Obijt 10. calen. Nouembrijs 1571. Monachi Clare uallen. poni curr.
Ex vita Pij V. & monumentis Ill. D. Ioannis Antonij Petramelare Bononiensis, Equitis SS. Lazari, & Mauricij, mihi familiarissimi.